

# MEKIM SAVE LONG OL KALABUS

MEKIM SAVE TRU LONG OL MAN I STAP LONG KALABUS. L I MAS PILIM OL I BIN MEKIM RONG NA OL I MAS AT WOK. EM HIA TOK BILONG KAUNSI LA WAMP, EM BIK-ELA MAN BILONG HAGEN, I BIN GIVIM LONG KEBINET AIM OL I KIBUNG LONG 11 FEBRUERI.

m i putim hevi long ol ipel na lida yet bi-ong planti trabel i amap long distrik bi-ong ol.

Em i tok ol plisman i atwok tru long stapim l trabel tasol ol pipel a lida i wok egens long l. Sampela taim ol lida a kaunsila yet i salim l yangpela man long ait na taim ol plis i am long ples, oli hait- m ol paitman na ol i romoim ston long ol lisman.

Lo na oda em i samting ilong olgeta manmeri.

Mista Lus i bin bekim

Na Mista Somare i bek- im dispela tok olsem: I tru, inap nau gavman i bihainim pasin kalabus bilong ol bikpela kan- tri. Tasol planti pipel tumas i bin krosim mi- pela kebinit long dis- pela na i tok yumi mas mekim save long ol ka- labusman.

Nau gavman i wari moa long dispela samting na i luk olsem em i mas strongim pasin kalabus.

Samting olsem 300 man i harim dispela tok na ol i paitim han.

Mista Pita Lus, minis- ta bilong bosim ol plis

tok long sampela kaun- sila i laik bai long ol taun ol i pasim olgeta rot long hapas ten long nait na ino gat wanpela ka i ken ran. Na ol man tu i mas stap long haus.

Mista Julius Chan, Minista Bilong Fainens, tu i gat tok long ol, i spik: Yupela Westen Hai- lans i bin kisim wan hap milien dola na hap yu- pela pinisim pinis.

Mani i no save pun- daun nating long antap.

Na tripela yia bipo Westen Hailans i win moa, i go het tumas. Ta- sol olsem wanem nau plan- ti gutpela pipel i no laik kam wok hia. Ol i pret. Em asua bilong husat? Yupela tasol i save; na yupela tasol i

ken stretim.

Sampela arapela kaun- sila i laikim Wahgi i kamap nupela distrik.

Na Michael Somare i bekim tok olsem: Bilong mekim kamapim nupela distrik o provinsial gavman, yu mas gat plan- ti pipel.

## YU KEN LUKIM INSAIT

Pas i kam.....	pes 2
Viles kot stat .....	4
Stori tumbuna .....	5
Misin bisnis takis .	6
Kibung bilong hangre	7
Ples Talai i win ...	8
Kaumi mauswara .....	10
Misinari kisim medal	13
Fantom .....	14

## Namba Wan Minista Bilong Solomon Ailan Kam



Long lephan yumi luk- im Namba Wan Minista bi- long Britis Solomon Ai- lan, Mista Solomon Ma- maloni, i kisim welkam bilong soldia bilong PNG taim em i kam luk- luk raun long Januери.

Inap wan wik em i go toktok na lukim wok bi- long Minista bilong Di- fens na Tret, bilong E- grikalsa, bilong Fainens na Foren Rilesens.

Em i lukim tu ol wan- tok long Yunivesiti.

Em i namba wan taim Mista Mamaloni i go luk- im arapela kantri bihain em i kisim namba bilong em long sif minista.

Em i laik tupela kan- tri i wok gut wantaim.

# PAS I KAM LONG EDITA

Sapos yu gat tok, yu raitim sotpela tasol. Sapos yu raitim longpela, bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela i prinim nem bilong yu tru, orait yu raitim wanpela narapela nem bilong yu.

## KRISTEN MEKIM KRANKI PASIN

Dia Edita.- Nau mi laik tokaut long wanpela samting i no stret long ai bilong mi na ol arapela brata i stap wantaim mi.

Mi lukim olsem: Taim tupela man i go long wanpela ples o stesin, wanpela i save long tok inglis na em i gat nem long wok bilong en. Tasol narapela man, em i man bilong ples o bus stret. Nau tupela man i go long wanpela waitman o blakskin man, na dispela man tu i gat nem long wok bilong em.

Nau dispela man i singautim man i gat nem na i save long tok inglis na em i kisim em i go insait long haus bilong em, na em i tokim man bilong ples olsem: "Wantok, yu wet ausait na mitupela i toktok pastaim".

Tupela man i stap insait, tupela i toktok na kaikai na pulimapim bel bilong tupela yet. Tasol man bilong ples em i stap ausait na em i pilim hangre na kol, em i stap olsem wanpela dok. Na taim bilong kaikai, tupela i givim em nupela kaukau na em yet i kukim na kaikai. Na taim bilong slip, man i gat nem na save ol i save givim gutpela bet na blanket long em. Tasol, dispela man bilong ples ol i tokim em long slip long plua, na ol i givim laplap o taul samting bilong karamapim na slip.

Nau mi lukim dispela kain pasin i no stret.

Sapos yu kristen man, orait mekim wankain pasin tasol long ol man i gat nem na man i no gat nem.

Mi lukim dispela kain pasin namel long ol kristen man. Na sapos yu laik save klia long dispela kain tok, orait opim Nupela Testamen long pas Jems i raitim. (Jems 2: 1-6)

Yu laik bekim tok, em hia adres bilong mi.

Even Wap,  
K.T.S./Erave.



## PISIN SKUL

Dia Edita.- Mi lukim wanpela pas, wanpela man i raitim pas i go long edita long Konedobu na i tok:

Long Baibel Skul bilong misin, pisin skul em i no gutpela tumas.

Tasol brata Joseph Way ating tok bilong yu em i no gutpela tumas. Tok bilong yu olsem tok bilong ol bebi i stap dring susu bilong mama! Tasol long kantri bilong yumi i no kantri bilong tok inglis, tok inglis em i tok ples bilong ol arapela kantri tasol.

Brata Joseph yu skul long tok inglis na yu save long tok ples bilong ol arapela kantri pinis. Na yu save tingting long papamama, susa na brata bilong yu o yu apim skin bilong yu tasol?

Mi laik askim yu, sapos ol manmeri bilong ples ol i no save tok inglis na gavman i salim wanpela nius long tok inglis, yu ting bai ol inap save long as bilong tok? Nogat tru.

Misin i kirapim tok pisin skul long helpim ol manmeri bilong PNG. Sapos yu save long nius bilong tok pisin, bai ol pipel i ken klia. Brata yu bagarapim kantri bilong yumi nau. Ating yu mas lusim dispela kranki tingting.

Tok bilong baga ya, Joseph Way bilong Saten Hailans i no stret tru.

Feros Nauapa D.T.P.,  
Skul, Kainantu/E.H.D.

## MASKI YU SAVEMAN TRU

Dia Edita.- Mi laik bekim pas bilong Andrew Yokau bilong Aitape.

Mi lukim yu bin raitim tok long Wantok Nius olsem:

Ol yangpela meri ol i no bin skul tasol tingting bilong ol i wari long ol man i gat save olsem tisa, doktaboi, plisman na katekis. Na tu yu bin tok long ol yangpela meri i no sem bilong ol long maritim saveman.

Brata, em i gutpela tru yu bin raitim na yu lap long en, tasol mi laik askim yu: Yu gat gutpela tingting tru bilong skelim tingting na laik bilong wanpela wanpela man? Ating yu no gat tingting long

raitim dispela tok n samting i kam long mau bilong yu.

Yu man i gat tingting orait yumas yusim tingting bilong yu lon taim yu maritim meri bin i go long skul, n tu ol meri i no bin go skul na i no gat save. Yu no save bosim laik na tingting bilong wan wan man. Ol yet mas tingting long maritim wanem kain meri.

Yu bin givim bikpel sem long ol yangpela meri em ol i no bin go long skul. Ol i no i kau long yu na krai kra long mani o wanem samting bilong yu. Na tu yu wanpela longlong mau long raitim dispela kain tok long ai bilong planti manmeri long Wantok Niuspepa.

Em tasol bekim tok bilong mi.

Timobthy Wanpis,  
N.M.O/Wapenamanda.

## TOK PLES TUMAS LONG REDIO

Dia Edita.- Mi laik helpim o skruim tok bilong Bernadette Tasun.

Poro tok bilong yu : tru, mi yet mi save taim redio bilong mi na mi save harim tok ples tasol long redio.

Ating dispela redio em i bilong ol tasol, olsem na ol i save taitim tok ples tumas. Yumi olgeta man bilong Papua Niugini i gat redio, na yumi laik harim ol narapela stesin bilong yumi tu. Tasol bai olsem wanem sapos ol i oltaim tok ples long redio.

Em tasol long liklik toktok bilong mi. Sapos yu husat i laik bekim, orait rait tasol long Wantok Nius. Tenkyu.

Philipson Tai.S.,  
Kimbe/W.N.B.D.

## MAS GIVIM STRETPELA ODA

Dia Edita.- Mi laik autim wanpela bikpela wari bilong mi. Mi laik-im bai yupela i prinim long Wantok Niuspepa bai ol pren na ol wantok long olgeta hap bilong Papua Niugini i ken ritim.

Yes wari bilong mi i go olsem: Ol plisman i save givim oda long ol draiva bilong ka long i no ken putim han long sait bilong dua. Na tarangu ol draiva bilong ka i save bihainim gut oda bilong plis.

Tasol ol plisman i ting ol i save tru, ol i ting ol i plisman na ol i spitim ka na putim han bilong ol long sait bilong dua. Na taim ol i draiv na bungim wanpela draiva i putim han bilong em long sait bilong dua, ol i save go kotim em, na tarangu i save go kot long dispela. Na ol plisman i save mekim wok long laik bilong ol.

Mi ting ol plisman i no mekim wok gut. Dispela toktok i go long olgeta plisman em ol i save wok long PNG. Ol i save hambak tasol, ol i no save mekim duti bilong ol gut olsem ol plisman stret.

So em tasol, yu husat i gat wari, rait tasol long Wantok Niuspepa bai mi ken ritim na save long tingting bilong yu. Tenkyu.

Jim Sutas,  
Wewak.

## MEMBA SPAK

Dia Edita.- Hia mi laik toktok long ol memba bilong Haus ov Asembli. Ol wantok ya ol i krai tumas long gavman i apim pe bilong ol.

Mi ting mi wanpela tasol i lukim dispela samting o mi no save. Taim ol memba i kisim



pe bilong ol i kam long ples ol i no mekim wanpela wok bisnis. Nogat. Ol i go stret long hotel na baim dring na spak nabaut. Mi ting dispela pasin ol memba i mekim i no stret liklik long ai bilong mi.

Bikos yu memba bilong Haus ov Asembli na yu lida bilong kantri, na tu yu pesman bilong soim gutpela pasin long ol pipel bilong kantri. Sapos yu lida bilong kantri i soim ol man long dring na spak, em i no gutpela long yu mekim olsem. Ol memba yupela i mas harim gut tok bilong mi. Sapos yupela i no laik yusim gut mani gavman i givim long yupela, na yupela i laik spak tasol, "Mas-ki krai long gavman na pinisim mani bilong gavman."

Yu wanem memba i gat maus bilong bekim dispela tok bilong mi, rait i go long Wantok Nius na bai mi ritim. Tenkyu.

Even Wapa,  
Erave/S.H.D.

## SKULIM GUT

Dia Edita.- Mi wanpela pasto bilong Pentkostal Misin long Isten Hailans Distrik.

Mi laik autim liklik wari bilong mi. Wari bilong mi i go olsem:

Mi save lukim ol tisa bilong praimer skul long Isten Hailans i save pilai laki long

## TU MINIT TINGTING

### STRONGIM SPIRIT NAU

*"Ol man i laik win long resis, olgeta ol i save daunim olgeta laik bilong bodi bilong ol yet. (1 Kor. 9, 25.)"*

Nau yumi laik redi long Ista na yumi gat taim bilong penans, taim bilong mekim hatwok long stretim pasin bilong yumi, taim bilong tingim Jisas i karim pen.

Long dispela taim yumi save tambuim na hapim kaikai, yumi save taitim bun long go lotu long Sande, yumi strongim spirit bilong yumi.

Olsem Pol i rait long dispela tok mipela i bin ritim antap ya: sapos yumi laik winim resis, yumi mas strongim bodi pastaim. I tru. Na spirit tu i wankain tasol.

Yu ting yu strong a? Orait, yu traim. Sapos maus bilong yu i guria long buai o smok o bia, yu inap tok nogat na bosim laik bilong yu? Sapos nogat, dispela buai o bia o smok i moa strong olsem yu. Yu stik masis nating; yu manki nating. Yu no man tru. Ol man inap tok bilas long yu. Bun bilong yu i wara nating.

Sapos yu no inap bosim sampela liklik laik bilong yu, olsem wanem yu inap abrusim na daunim ol traim bilong Satan? Yu no ken; bai yu lus; bai em i kukim yu olgeta.

Oltaim nau yumi harim ol yangpela pipel i tok long pinisim laik bilong ol. Tasol pinisim laik em i no mak bilong strongpela manmeri. Nogat tru. Man o meri inap long tok nogat, em i strongpela. Bai bodi na spirit bilong em wantaim i gat bun. Dispela kain manmeri inap winim resis bilong kamap long heven. Man bilong pinisim laik em bai kamap bihain tru.

Nau em i taim bilong traim strong bilong yu. Nau em i taim bilong redi long win.

ples bilong skul. Na bihain ol skul manki i lukim dispela, na taim ol i pinis skul ol i save go na pilai laki i stap long ples. Ol i no save helpim papamama long wok.

Olsem na mi ting yupela ol tisa bilong praimer skul i mas lusim dispela pasin bilong pilai laki. Skulim ol manki long gutpela sindaun bilong ol, bisnis na wok bilong helpim ol manmeri.

Sapos yupela i mekim olsem, ol yangpela boi i no inap long kamap gutpela manki long hai skul o long ples. Husat i tisa i mas harim gut.

Mi ting nau em i taim bilong yumi Papua Niugini yet i sanap long lek bilong yumi. Sapos yupela ol tisa bilong praimer skul i kisim gutpela tingting na skulim gut ol boi long skul, bai kantri bilong yumi i sanap strong long lek bilong em yet.

Tasol, sapos yupela i no mekim olsem, kantri bilong yumi i no inap long kamap wanpela gutpela strongpela nesen.

Husat i laik bekim o skruim moa long dispela tok bilong mi, rait i go tasol long Wantok Niuspepa. Tenkyu.

Hurebe Jim,  
Oraratu Viles/E.H.D.

## VILES KOT STAT

Long mun i go pinis, gavman i bin makim sampela lain man olsem ol man bilong harim kot insait long ol viles tasol. Ol i kolim ol dispela man, Viles Kot Mejistret.

Ol inap long kotim pipel, mekim ol i baim kot, na kalabusim ol.

Kot ya bai i gat jas, na kuskus, na sampela kain plisman.

Dispela ol mejistret bai inap long harim ol kot bilong ol tok kros na pait, na stilim pik, na pe bilong baim meri.

Ol arapela bikpela kain kain trabel nogut olsem kilim man, tok kros bilong graun, bamim man long ka, na tok kros bilong ol famili, bai ol bikpela kot yet i mas harim.

Man i go pas long dispela viles kot, Mista Ian Holmes, i tok olsem bai em wantaim ol

lain bilong em i tingting long statim 19 kot olgeta long Rigo, insait long Sentral Distrik, na long Kainantu, insait long Isten Hailans Distrik.

Mista Ian Holmes i tok olsem long dispela yia dispela ol 19 kot i stap namel long 100,000 pipel, na long narapela yia, bai ol i stap namel long 250,000 pipel.

Ol dispela kot bai i no inap long kamap nating. Nogat. Pastaim bai gavman i mas kisim tok i kam long ol lokal gavman kaunsil, na bihain ol i ken kirapim kot tru.

Sapos kot i laik kalabusim man, bikpela mejistret bilong distrik i mas orait long ol pastaim. Na ol distrik kot i gat pawa long harim ol kot i no stret, egens long ol viles kot.

Dispela pasin bilong harim viles kot, Haus


## BALUS ENSINIA I TREN

I gat 18 man bilong Papua Niugini i tren nau long Australia long kamap ensinia i save fiks ol balus. Ol i wok wantaim ami na ol bai lukaut long ol balus i stap long Difens Fos bilong PNG.

Ol i skul long fiks ol ensin ol redio ol lektrik samting, na tu ol skin bilong balus.

Em i wok bilong ol dispela man long lukaut bai ol ami balus long Papua Niugini i mas flai oltaim na flai gut.

Nau i gat 5-pela lokal man bilong mipela i skul pinis long flai; ol i stap yet long Australia na i tren moa. Long mun Jun samting, bai sampela bilong 4-pela DC3 balus i mas kam long Papua Niugini na dispela ol pailot bai kam wantaim ol.



*Ol studen bilong Papua Niugini Difens Fos i tren long woksap bilong balus long Australia.*


Mipela inap wokim

# OLKAIN SAMTING LONG KANDA

SALIM MANI I KAM

WANTAIM ODA

lukim ol prais hia



Autim laik bilong yu tasol

**olkain sia  
olkain tebol  
olkain basket  
blain pangal**

Mipela ken salim long sip o balus. Rait tasol i go long:

**CANE INDUSTRY  
PES-AITAPE, W.S.D.**

Bisnis bilong ol lokal pipel stret

ov Asembli i bin statim long yia 1973, bihainim ripot bilong tupela mejistret, Mista Franas Iramu, na Mista Neil Desailly, taim tupela i stadi wantaim Britis French Edministresen long Nu Hebrides Ailan.

## NUPELA KAIKAI

Mista Hal Morris bilong Nu Silan i pinisim wok bilong em long PNG na em i soim long gavman planti kain pasin bilong mekim olkain kaikai bilong yumi i stap longtaim.

Long wanpela pasin em i bin rausim olgeta wara long mit na pis na sayor na olsem ol inap stap longtaim moa.

Narapela pasin em i bilong putim kain kaikai olsem kwiktaim tumas in-

sait long frisa na em i tanim long ais tru. Olsem tasol i no ken bagarap.

Wanpela pasin moa Dokta Guise i bin statim erol maket i gat nupela kaikai tru long Goroka, Lae, Port Moresby, na Mt Hagen.

Nupela kaikai ya i no kostim planti na tu givim wok long ol man gat gaden bilong kamapir ol dispela kain kaikai.

Mista Morris em i lail helpim bai ol dispela kain nupela kaikai i kei stap longtaim moa.

Dispela yia bai gavman winim \$66,470,000 takismani long wok kopa long Bougainville. Kampani yet bai winin \$293,715,000 olgeta.

# stori bilong tumbuna

## MERI MURUK

Bipo tru ol muruk i save waswas long raunwara. Na olgeta muruk i lusim sket bilong ol na i go daun long raunwara. Na wanpela man i hait i stap na i lukim ol i lusim olgeta sket bilong ol.

Narapela muruk em i no laikim na bihain em i lukim wanpela muruk i gutpela moa long em. Nau em i kisim sket bilong em na i go haitim. Taim olgeta muruk i pinis waswas, ol i go kisim sket bilong ol. Taim ol muruk i putim sket bilong ol, meri ya em i no putim sket. Em i wok long lukluk na painim. Tasol em i no painim.

Bihain man ya i kamap na em i kisim em i go long ples bilong em na em i maritim em.

Na meri muruk i karim tupela pikinini man na i olsem man tru.

Taim tupela pikinini i hangre, tupela i tokim mama olsem. Taim yu kukim het bilong yam na mitupela i kaikai pinis bai mitupela i tokim we papa i haitim sket bilong yu.

Taim pikinini i tok olsem, bel bilong mama muruk i orait. Nau em i kukim het bilong yam na givim long tupela, na tupela i soim purpur bilong mama muruk bipo papa i haitim.

Na mama muruk i putim

na em i kamap olsem muruk na traime tupela pikinini.

Bihain em i putim bek long sem ples. Na bihain papa i paitim em na mama muruk i belhat na putim sket bilong em na ranawe i go long bus na i wel i stap long bus.

Narapela taim mama muruk i kam na kisim pikinini i go wantaim em. Nau tupela i go na i stap aninit long diwai na tupela i slip indai. Na mama muruk i danis na ol bilas i kamap na olkain kaikai.

Na tupela pikinini i kirap na askim em: yumi stap long wanem ples? Na mama muruk i tok, sapos yutupela i hangre, i gat banana i stap. Yutupela i ken kaikai. Na tupela i kaikai banana na makim ples bilong ol long dispela hap.

Na taim ol i stap hia mama i go daun long ples bilong ol muruk long tais. Na mama i kam na tok, yutupela i mas mekim spia na kilim muruk na yumi kaikai. Mama i trikim tupela pikinini na tupela i go daun na lukim mama muruk i tanim olsem muruk. Na bikpela brata i tok: Mi save em i mama.

Taim tupela i slip, mama i tokim tupela: Yutupela sutim mi. Mi bilong yutupela. Yutupela i mas wokim banis raun long mi.



Na long moningtaim tupela i go daun long wara na mekim banis raun long em. Na tupela i mekim banis pinis na mama i sting. Na ol kain kain kaikai i kamap long

mama muruk. Na ol man i kam na kisim ol dispela kaikai na sampela ol i kaikai na sampela ol i planim.

Thomas Kwarunyala, Maprik.

## LAIK TAMBUI DRING

Mista John Poe, Minista bilong Intiria, i bin kisim wanpela pas i kam long 93 pipel bilong Kila Kila na sampela arapela ples klostu.


Ol i strong long em i mas tekewe laisens bilong salim ol strongpela dring long ol tretstua klostu long ol.

Ol i tok ol spakman i save paitim na toknogut long ol meri bilong ol, na laip bilong ol i nogut pinis. Ol pikinini bilong ol tu i save kisim bagarap long ol man i spak.

Mista Poe, i tok em i sori, tasol watpo ol dispela pipel i no bin tokaut bipo komisin bilong ol strongpela dring i bin orait long ol dispela stuakipa i ken kisim gen laisens inap long wanpela yia?

## sikis ailan pas

I gat 6-pela ailan i no kisim independens yet na klostu olgeta i stap long Pasifik nabaut long Papua Niugini. Em hia: Ameriken Samoa, Guam, Nu Hebrides, Pitcairn Ailan, St. Helena, na ol Britis Solomon Ailan.




MI GAT SIK, MAMA... BEL I PEN MOA YET...



ORAIT... YU KAIKAI WANPELA LIKLIK ASPRO TEBLET WANTAIM WARA... BAI PEN LONG BEL I RAUS KWIKTAM



OLSEM... PEN I GO PINIS, NA AI BILONG YU I STAP DRAI...





## MISIN BISNIS TAKIS

Mista Julius Chan, Minista bilong ol Beng o Fainens, i bin tok em i tingting bilong gavman bai ol misin ol misin i save ranim i mas baim takis olsem olgeta arapela bisnis.

Ol Luteran bilong Lae i kirap nogut long dispela na i tok, sapos em i olsem, bai ol misin i mas pasim planti skul na haus sik bilong ol, long wanem planti profit mani bilong ol bisnis bilong ol i go long helpim ol skul na haus sik bilong ol.

Mista Chan i tok em i no laik daunim ol skul o haus sik, tasol ol bisnis bilong ol misin olsem ol plantesis na somil ol i olsem ol narakain bisnis bilong ol kampani. Bihain ol i takis, ol i ken putim ol winmani long wok bilong ol. Misin i no ken ting gavman i egens long ol.



\* Hia Mis Katon Neda, wanpela hostes bilong Air Niugini i stap long wanpela bikpela so long Australia. Em i soim ol samting bilong Papua Niugini olsem kaving na kramsel. PNG wantaim 15-arapela kantri i bin stap long dispela so na samting olsem 30,000 pipel i bin kam lukluk long dispela. Dispela so i bin i stap inap 10-pela de olgeta long biktaun Sydney.

## STRONGIM BUN BILONG PIKININI



# PENTA-VITE

yu ken baim long olgeta stua marasin

# BIKPELA KIBUNG BILONG HANGRE

Rom, Itali. Long Novemba Yunaitet Nesens i bin kirapim bikpela konprens long Rom bilong painim rot bilong inapim kaikai long olgeta kantri.

Nau long sampela kantri bikpela hangre i stap: long 7-pela kantri long Afrika, long India na long Banglades.

As bilong dispela hangre em hia: long sampela kantri san o ren o tait o win i bin bagarapim planti gaden. Na sampela manmeri ol i no save gut long wok didiman, olsem na gaden bilong ol i no save karim planti kaikai. Na long sampela kantri


i gat planti tumas manmeri, na no inap kaikai. Long dispela konprens sampela pesman ol i tok, kantri i gat planti kaikai ol i mas givim sampela long Yunaitet Nesens, na bai em i tilim long ol man i gat hangre.

Em hia tupela bikpela tok em planti pesman ol i orait long en: Yunaitet Nesens i mas strongim wok didiman long planti kantri bai ol inap kamapim planti kaikai bilong ol yet.

Na tu Yunaitet Nesens i mas salim sampela save-man i go nabaut long planti kantri na skulim ol pipel long pasin bilong daunim namba bilong ol pikinini i kamap.

## TRAIM AI HIA

Yu lukim ol pis i wokabaut insait long haus bilong ol aninit long wara. Nogut yu ting ol pis ya i wankain tru. Nogat. Sapos ai bilong yu i gut na strong moa, yu inap painim 10-pela liklik mak samting i narakain long tupela piksa.



**Wantok...**  
**Yu laik go we?**  
**Yu laik go mekim wanem?**  
**Yu laik go long malolo?**  
**Yu laik go lukim ples na papamama?**  
**Yu laik go long pilai?**  
**Yu laik go long wanem hap tru?**


### Wantok...

Yu no ken wari tumas long ol dispela askim. Talair I gat save tru long dispela samting. Larim Talair I ken helpim yu—na bai yumi amamas wantaim!

Sapos yu laik bosim balus bilong yu yet, I orait tu. Talair I gat kain kain balus yu ken chata. Em I chata bilong yu yet. Taim yu laik redi—balus bai I go. Yu yet ken makim taim bilong balus I ken I go.

Sapos yu laik go long balus long ron Talair I makim pinis, I orait tu—laik bilong yu!

I gat kain kain balus bilong baim-sampela



TRAIM TALAIR—EM I LAIN BALUS BILONG YU NA PAPUA NIUGINI STRET

**TALAIR**  
 Airline belong yu em mi

bilong karim faivpela man, sampela bilong karim nainpela na sampela bilong karim wanpela ten nain man.

Kam lukim mi pastaim na toksave. Em ol balus bilong Papua Niugini tru. Ol dispela balus I save go long olgeta ples bilong Papua Niugini, maski em I liklik ples o nogat. Sapos ples balus I stap—mi inap! opis bilong Talair I stap long olgeta taun bilong Papua Niugini.



TSO102

# TALAI S

Biktaun Port Moresby i amamas long Talai Kem, we moa long 300 pi bilong Galp, Morobe, Sentral, na Is Hailans Distrik i sindaun gut na i gut wantaim.

Ol wokman bilong ol yet i wokim



*Mista Semese Sea bilong Port Moresby Komyuniti Developmen (Iephan) i tok wantaim Mista Tara Harua, lida bilong Talai.*





# IM ROT

aispela nupela haus, ol meri i wokim l naispela gaden. I gat wara long wan an haus long wanem ol man long fri aim bilong ol yet, ol i digim barit a pasim ol mambu bilong wara. Ol i no et long gavman. Ol yet i mekim wok.

Long 1960 sampela pipel bilong Galp Distrik i bin sindaun long dispela graun. Tasol ol gutpela wok i stat long 1972 taim Mista Tara Hanua wantaim 7-pela arapela man i wokim wanpela komiti.

Gavman i makim dispela graun long ol man i save winim aninit long \$25 long wan wan wik.

Long 1972 gavman i putim wanpela rot kolta i kam kamap long ples; na mambu wara tu i kamap.

Wan wan famili i save putim \$10 long wan wan wik bilong baim ol samting bilong wokim nupela haus. Ol man yet i wokim nupela haus bilong ol; ol i les long fiksिम oltaim olpela haus. Ol i save wok olgeta Sarere long dispela; inap nau ol i pinisim 5 haus pinis.

Ol pipel long Talai i hepi long sindaun antap long liklik maunten bilong ol. Skul bilong ol i olsem: sapos yu laikim wanpela samting, yu yet kirap mekim. Maski wet.

*(Long raithan)*

Siaman bilong Talai Komiti, Mista Tara Harua, i bosim ol manmeri i wok long stretim graun bilong nupela haus.

*(Long lephan)*

Ol wokman i bung wantaim na helpim wanpela pren bilong wokim nupela haus bilong em.

*(Long lephan tru)*


Misis Kamu Nakani bilong Galp Distrik i wasim klos klostu long haus bilong em yet. Man bilong em i bin skruim tep wara i bung wantaim bikpela mambu bilong Port Moresby.


*(antap)*

Ol meri i no sindaun nating Nogat. Ol i wok long planim gaden na ol plaua bilas.



*Wanpela famili i sanap long lata bilong namba wan nupela haus ol wokman i bin sanapim long Talai.*





Mista Saimon Kaumi

Mista Saimon Kaumi, bipo em i wok long Dipatmen bilong Interia, em i raus pinis nau na i wetim kot long wanem em i bin kirapim wanpela lain i laik pait wantaim gavman.

Mista Kaumi em i bin bungim 150 man long Notten Distrik bilong Papua na i laik kisim Jiropa plantesin klostu long Buna.

Dispela em i wanpela plantesin em i go bek

bus pinis na gavman i laik baim bek na salim i go long ol pipel.

Tasol Mista Kaumi i no laik wet. Em i salim ol man hia i sindaun long dispela plantesin. Em i tok, ol man ya em ol i ami bilong em.

Bihain long tupela de Kaumi i flai i go long Port Moresby na bungim Mis Josephine Abaijah em memba bilong hap bilong Port Moresby em oltaim i laik bai Papua i bruklusim Niugini.

Nau tupela wantaim i mauswara nating na i tok tupela i bin sanapim wanpela gavman bilong Papua stret na bihain liklik bai ol i kisim independens bilong ol yet, na bai ami bilong Kaumi bai kisim ol gan na yunifom na bai ol i wokabaut mas long ol rot bilong Port Moresby. Na bai ol i daunim gavmen na bosim Papua.

Ol man bilong gavman i painimaut ol i mauswara nating. No gat gan na no gat yunifom na i no gat mas. Na planti man i lusim plantesin pinis; ol i les pinis.

Gavman i tok dispela tingting em i no bilong ol Papua; em i bilong wanpela liklik lain man tasol. Na sapos ol i laik mekim wanpela samting, ol i gat kot na lo; sapos ol i traim long pait bai ol i kisim save tru.

Ol memba bilong Haus ov Asembli bilong Papua ol i no tok orait long dispela wok bilong Kaumi. Em samting bilong em wanpela. Ol i egens.

Mista Somare i kros long ol sampela niuspepa i no ripotim gut dispela stori tasol haitim tok. Pasin ya i helpim tasol ol man nogut na i giamanim ol pipel na skrapim bel bilong ol.

Ol pipel bilong Tagi Tagi viles na Malakuna i orait long 60 man i mas kisim hap hap bilong 393 eka graun bilong Nganalaka Plantesin. Ol i tok wan wan long ol 60 man bai i kisim inap 6 eka graun.

Prais gavman i laik givim em i \$25,000. Tasol papa bilong plantesin hia, Mista Arthur Brown, i makim prais olsem \$90,000.

Minista bilong Graun, Mista Thomas Kavali, i tok papa ya i mas tingting gut na salim long prais gavman i makim long en.

Long miting i gat 42 man i makim Tagi Tagi viles na 18 man i makim Malakuna viles. Ol pipel bilong Tagi Tagi i bin bungim mani antap long \$10,000. Na ol pipel bilong Malakuna i no makim komiti yet long tilim ol graun.

# NAMBAWAN KAIKAI BILONG OL FAMILI



Lukautim bai tripela kaikai hia i swit na i gat strong long en i stap oltaim long haus bilong yu. HEINZ kompani i yusim gutpela samting tasol bilong wokim ol dispela kaikai. Sapos yu laik hariap redim strongpela kaikai - na tomato sauce i gutpela tru na swit moa - lukautim mak bilong HEINZ.



2167E

NISSAN CABALL  
 DATSUN 1500  
 NISSAN HOMER  
 DATSUN 1200  
 NISSAN JUNIOR  
 NISSAN CABALL

GOODYEAR  
 GOODYEAR  
 GOODYEAR  
 GOODYEAR  
 GOODYEAR

NISSAN CABALL  
 DATSUN 1500  
 NISSAN HOMER  
 DATSUN 1200  
 NISSAN JUNIOR  
 NISSAN CABALL


DATSI  
 NISSAN  
 DATSI  
 NISSAN  
 NISSAN  
 DATSI  
 NISSAN  
 DATSI  
 NISSAN JUNIOR

Lukim Bikpela Pati  
 Bilong Februeri.

Long dispela mun mipela  
 Boroko Motors i laik salim olgeta trak  
 na taia bilong mipela.

HARIAP! Yupela kam baim nau!

1500  
 HOMER  
 1200  
 JUNIOR  
 CABALL  
 1500  
 HOMER  
 1200  
 JUNIOR



**boroko motors ltd**  
 B & G MOTORS WEWAK ≈ RABAU GARAGE ≈ ARAWA MOTORS »

## LOKAL LEKTRIK BISNIS



\* Mista Ebia Olewale

I no longtaim i go pinis, Mista Cibu Krimbu i bin wokim wampela lokal lektrik bisnis long Maun Hagen.

Mista Crimbu em i wampela man i gat save tru long wok bilong lektrik. Em i gat 25 krismas na em i kam

long Wau. Em i bin wok pinis wantaim Turner na Davy Lektrik Kampani.

Mista Crimbu i kisim tiket long Ogas 1974, na em i bin statim lektrik bisnis bilong em.

Em i bin winim kontrak pinis wantaim ol lokal man i save long wokim sampela haus. Na tu em i mekim olkain wok lektrik bilong Maun Hagen Lokal Gavman Kaunsil.

Mista Crimbu i tingting long dinau long sampela mani long Developmen Beng bai em inap long mekim bisnis bilong em i go het moa moa yet long bihain.

Mista Ebia Olewale, Minista bilong bisnis, i tok, "Ol yangpela pipel i gat gutpela save long sampela samting, ol i mas statim bisnis bilong ol yet. Dispela em i gutpela pasin bilong kantri bilong yumi long go het tasol."

## SALIM PNG STEM



\* Mista Patrick Tomausi

Mista Patrik Tomausi, hetman bilong dipatmen bilong Pos na Teligrap i save baim na salim ol stem, i go pinis long Japan na Amerika bilong soim ol naispela stem bilong Papua Niugini, bai ol man i laik baim.

Bihain bai em i go long Yurop tu.

Ol stem bilong yumi i

nais tru na planti mar long graun i laik baim.

Mista Tomausi i tok bihain liklik bai/sampela naispela nupela stem i kamap.

## YUMI MAS WOK

Mista Tei Abal, lida bilong Yunaitet Pati, i bin tok amamas long ol 4,000 pipel long Goroka long wanem ol i bin opim long Janueri 25 wampela nupela bikpela haus ol yet i bin wokim.

Ol man hia i memba bilong Asaro-Watabung Asosiesen bilong ol Fama na Setla.

Mista Abal i bin tokim ol olsem: Bipo ol tumbuna i bin ting ol gutpela samting i ken kamap nating. Em i no tru. Yumi save pinis ol gutpela samting i save kamap long hatwok tasol na i no gat narapela rot. I no gat kago.

# Nambawan marasin bilong olgeta pen.



**MICROFINED** FOR RAPID ABSORPTION  
CONTENTS: 25 TABLETS

**'ASPRO'**  
REG. TRADE MARK

FOR HEADACHE, PAIN, COLD & FLU SYMPTOMS



## MISINARI WIN

Mista T. K. Critchley ai Komisina bilong ustralia, i bin tok long 9 Janueri, Kwin i bin rivim medal ol i kolim BE long Pater Alex Michellod, wanpela misinari katolik i save wok long Kerema.

Em i bilong kantri Switserlan na i bin kam long Papua long taim pipo long pait yet.

Em i bin holim wok long Yule Ailan na Goulala na Mendi na Kerema. Em i bilong lain misinari ol i kolim M.S.C.

Long yia 1956 em i go wantaim ol kiap taim ol i go insait wok bus long hap bilong Tari long Saten Hailans. Na em yet i bin makim rot i go long Mendi inap Tari; na tude Hailans Haiwe long dispela hap i go bihainim dispela rot Pater yet i bin makim.

Pater Michellod em i man bilong wok bus ol-taim. Na em i bin statim planti haus sik na klinik na skul bilong helpim ol pipel bilong Papua. Tasol namba wan samting em i bringim tok bilong God, olsem namba wan wok bilong olgeta misinari.

Tude Pater Michellod em i memba bilong Galp Edvaiseri Kaunsil, bilong Len Bot, na Distrik Edukesen Bot tu.

### **grasop moa yet**


Ol didiman i pret bai planti grasop moa i kam bagarapim ol fam na garden long Makam long hap i go antap long Lae.

Ol grasop ya i putim kiau na ol man i pret bai ol i kam bek.


Nau ol didiman i flai long balus na tromoim marasin bilong kilim ol.

Ol grasop ya i save mekim bikpela kibung na flai i kam olsem wanpela blakpela klaut tru na oli sindaun na pini-sim tru olgeta gras.

## I STRONG, I STAP LONGTAIM, I KOSTIM LIKLIK



### TILUX- FAIBRO BILONG OL BANIS



### HARDIFLEX- FAIBRO BILONG WOKIM HAUS



### VERSILUX- FAIBRO BILONG BILASIM HAUS



**Yu Ken Baim Long  
Burns Philp and Bowman's**

Sapos yu wokim haus, orait, yu wokim long gutpela samting. Nogut em i pundaun bihain long sampela mun o yia. Kisim faibro i gat nem Hardie, na bai yu win.

Faibro Hardie i strong, i save stap longtaim, i no kostim planti. Em hia sampela pasin bilong yusim.

Dispela faibro em i bilong haus kuk o rum waswas, bilong ol ples wara i save wasim planti taim.

Em i nais tru na i gat 8-pela kala.

Faibro hia em i strong, i bilong ol banis insait na ausait. Yu ken penim o larim i stap nating. Ren na san i no ken bagarapim.

Em i no ken sting o krungut o paia.



Em i bilong bilasim insait long haus na mekim ol banis i no ken paia. Em i gat kain kain kala. Tasol yu ken penim tu long laik bilong yu. Em i strong, i nais, i bilong longtaim.


**Hardie's**  
BUILDING PRODUCTS

## The Phantom

®


By Lee Falk and Sy Barry





KAUNSI BILONG OL BIKPELA MAN I KIBUNG...

Bai yumi mekim wanem long ol dispela man nogut? Ol Mori na ol Ugan i kisim hevi long han bilong ol.... Orait, nau ol yet i ken tok



Long taim bipo mipela i save kilim ol i dai...tasol nau i gat nupela taim na nupela tingting...

Ol i mas hatwok tru inap long taim ol i dai. Em pe bilong ol



OLSEM NA OL TIRANGI I PINIS...NA TAIM BILONG BULMAKAU GOL I KAM BEK PINIS..



Mi ting dispela olpela king em i longlong. Ol dokta i ken glasim em



Yu no pret taim yu stap wantaim ol?

Nogat..Fantom, i sambai long mi.

\*FOR THE GHOST WHO WALKS.



I gutpela taim nau.. Tasol inap hamas taim?

FALK BARRY 10/14

NEXT WEEK: NEW ADVENTURE

NEKS TAIM BAI NUPELA FANTOM STORI I STAT

**DOKTA GUISE NA FIJI**

Dokta Guise, Minista bilong ol Wok Didiman, i bin kam bek long Fiji we em i hepi tru long lukim ol wok suga ol i save mekim na em i laik bai yumi kirapim long Papua Niugini.

Poroman bilong em, Mista Kimali Tola, wanpela liklik fama bilong ples, i amamas tru long lukluk raun wantaim em.

Ol i lukim suga faktori long Lautoka, na maket bilong ol nupela kaikai long Vatuwaga na ol gaden bilong suga.

Dokta Guise i laik bai tripela ofisa bilong Dipatmen bilong Didiman i go long Fiji na skul gut long pasin bilong statim bisnis long wok suga.

Fiji na Papua Niugini i gat planti samting i wankain.

Sampela saveman i tok

Papua Niugini em i as ples tru bilong suga. Olsem na em i stret yumi mekimbisnis long en.

**tumas pipel**

I no longtaim i go pinis ol bikpela kantri i gat bikpela kibung long Yurop na autim wari bilong ol long wanem ol i tok i gat planti man tumas long dispela graun.

Long Asia sampela ol kantri i laik bai ol meri i no ken karim moa olsem 2-pela pikinini. Na sapos ol i pasim bel olgeta, bai ol i kisim pe long gavman.

Yunaitet Nesens yet i laik givim \$21 milien dola long skulim ol pipel long pasin bilong pasim bel. Inap nau ol toktok bilong ol i bin popaia long planti kantri. Na Saina na Rasia na planti kantri bilong Afrika i no bihainim.

**tolai dinau planti**

Ol beng ol i kolim Seving na Lon Sosaiti long hap bilong Rabaul i bin givim dinau mani inap long \$1,223,737 dola long 1,621 pipel long yia i go pinis. Ol pipel i bin kisim

dispela mani long baim graun, na ol ka, na haus, na tretstua, na ol haus paiaman bilong smokim kopra.

Long Is Nu Briten Distrik nau i gat 14 Seving na Lon Sosaiti i stap. Ol i gat 17,061 memba.

**BAIM WANTOK**

*Sapos yu wanpela yu laik kisim WANTOK i kam long yu stret, orait yu salim dispela tiket i kam:*

Mi laik kisim WANTOK niuspepa inap wan yia olgeta. Nau mi salim \$4 (foa dola) i kam;

Nem: .....

Adres: .....

Salim i kam long :

WANTOK - P.O. BOX 396 - WEWAK

## SUGU BULMAKAU KAMPANI

Sugu Bulmakau Kampani em i nem bilong wanpela bikpela fam long Saten Hailans we gavman na Developmen Beng tupela wantaim laik helpim ol man long statim wok bulmakau. Ol i gat 3000 hekta graun na ol i ting dispela fam bai redi bihain long 5-pela yia.

Bihain em i redi pinis, ol i wetim 700 bulmakau bai stap oltaim long Sugu. Na long dispela ol i ting long kilim olgeta yia 300 long abus, na 125 yangpela bulmakau meri bai ol i salim long ol smolpela fama i stap nabaut long stesin. Olsem tasol ol i laik helpim ol statim liklik bisnis bilong em.

Gavman i laik bai Sugu Bulmakau Kampani i kamap olsem gutpela eksampel bilong tingting bilong gavman bilong mekim go het kantri. Kampani ya ol lokal man tasol inap bosim bihain em i ran gut.


## TUMAS TISA KAMAP BIHAIN

Long Goroka Mista John Nunisa, namba tu bosman bilong ol skul, i wari planti bikos planti nupela tisa i no bin kamap long ol skul bilong ol yet.

Em i no save yet bai em i strafim ol o nogat. Wanpela bikpela asua em i transpot tasol bilong bringim ol i kam. Dispela yia i gat 125 moa tisa olsem long 1974. Na long Isten Hailans i gat 337 tisa long ol praimer skul.

Long Port Moresby asosiesen bilong ol tisa i no laik tru long harim sampela bikpela man bilong gavman i strong long ol pikinini bilong ol yet i mas kisim ples long haiskul, maski mak bilong ol.

*Aprentis Dick Larry (Ilephan) na Koprak Jack Eki i soim tupela medal tupela i winim long resis bilong boksen long Tahiti. Tupela i bin winim ol arapela wankain boksa bilong ol kantri wansolwara bilong yumi.*



Bernard Morlin bilong Papua Niugini na poroman Christian Werner i stap insait long wanpela grup bilong klostu 500 manmeri i go lukluk raun na limlimbur inap long 22 de long planti kantri bilong graun. Ol pipel ya i kisim presen long Katalpa Trakta na Buldosa Kampani bilong Australia. Hia long poto yumi lukim tupela i stap long Hong Kong klostu long wanpela tambaran pepa.

## paitim tok long konstitusen

Long Februeri 28 bai Haus ov Asembli i kibung na bikpela tok i bilong Konstitusen. Ol i bin stretim sampela hap bilong en nau na ol memba i mas tok orait bipo konstitusen i ken kamap lo bilong kantri. Yunaitet Pati i strong long ol i mas bringim tok bilong provinsal gavman. I luk olsem bai Haus i kibung gen long Mas na Epril, na long Me gen.

## no laik wok kopa

Kennecott Kampani bilong Amerika i no laik go het wok kopa long Ok Tedi long Westen Distrik na dispela samting i mekim Mista Somare i bel hevi.

Kopa long Ok Tedi i winim kopa bilong Bougainville, na sapos dispela kampani i no laik go het, bai kantri bilong yumi lusim planti mani.

I luk olsem Kennecott i pret long pasin bilong gavman long senisim nabaut tok wantaim kampani long Bougainville. Bipo kantri Chile bilong Saut Amerika i stilim kampani bilong Kennecott na olsem ol i pret long stat hia. Ol i no bilip tru long PNG yet.